

საჯარო სამართლის იურიდიული პირი –
ბათუმის შოთა რუსთაველის სახელმწიფო უნივერსიტეტი

ბრძანება № 01-10/95

ქ. ბათუმი

16 ნოემბერი, 2021წ.

ბსუ-ს სპეციალური სასწავლო სოციალური პროგრამის
„სტუდენტთა შეღავათები სწავლის საფასურში“ 2021-2022 სასწავლო წლის
შემოდგომის სემესტრში განხორციელების მიზნით კონკურსის გამოცხადების შესახებ

„უმაღლესი განათლების შესახებ“ საქართველოს კანონის 23-ე და 24-ე მუხლის, ბსუ-ს წესდების მე-15 მუხლის, „სსიპ - ბათუმის შოთა რუსთაველის სახელმწიფო უნივერსიტეტში სპეციალური სასწავლო სოციალური პროგრამის „სტუდენტთა შეღავათები სწავლის საფასურში“ განხორციელების წესის დამტკიცების თაობაზე“ ბსუ-ს წარმომადგენლობითი საბჭოს 2016 წლის 9 მარტის №4 გადაწყვეტილებისა და სტუდენტთა კარიერული განვითარების, კულტურისა და სპორტის დეპარტამენტის, სტუდენტთა კარიერული განვითარების და მხარდაჭერის განყოფილების უფროსის, ლაშა მიქელაძის 2021 წლის 01 ნოემბრის MES 3 21 0001163770 სამსახურებრივი ბარათის საფუძველზე,

ვ ბ რ ძ ა ნ ე ბ:

1. გამოცხადდეს კონკურსი ბსუ-ს სპეციალური სასწავლო სოციალური პროგრამის „სტუდენტთა შეღავათები სწავლის საფასურში“ 2021-2022 სასწავლო წლის შემოდგომის სემესტრში განხორციელების მიზნით.
2. პროგრამის ბიუჯეტი განისაზღვროს 10 000 (ათი ათასი) ლარით.
3. კონკურსის ჩატარების ვადები განისაზღვროს შემდეგნაირად:
 - ა) ბსუ-ს სტუდენტთა განცხადებებისა და საბუთების მიღების პერიოდი - 2021 წლის 17 ნოემბრიდან 26 ნოემბრის ჩათვლით, ელექტრონულად: Portal.bsu.edu.ge-ზე (ველის „წერილი კანცელარიას“ მეშვეობით);
 - ბ) წარმოდგენილი განცხადებებისა და საბუთების საკონკურსო კომისიის მიერ განხილვის პერიოდი - 2021 წლის 29-30 ნოემბერი;
 - გ) კონკურსის შედეგების გამოქვეყნება კომისიის სამუშაო ადგილზე (ბსუ-ს II კორპუსი, სტუდენტთა კარიერული განვითარების, კულტურისა და სპორტის დეპარტამენტის სამუშაო ოთახთან და ბსუ-ს ვებგვერდზე) - არაუგვიანეს 2021 წლის 01 დეკემბერი;
 - დ) კონკურსის შედეგების გასაჩივრება (აპელაცია) 2021 წლის 02 დეკემბერი (ბსუ-ს სტუდენტური პორტალის მეშვეობით);
 - ე) საკონკურსო კომისიის მიერ სააპელაციო საჩივრების განხილვა და საბოლოო შედეგების ბსუ-ს ვებგვერდზე გამოქვეყნება - 2021 წლის 03 დეკემბერი;
 - ვ) შეღავათის მანიჭების შესახებ ადმინისტრაციის ხელმძღვანელის ბრძანების გამოცემა - არაუგვიანეს 2021 წლის 07 დეკემბერი.
4. პროგრამაში მონაწილეობის მისაღებად, სტუდენტებმა ბსუ-ში უნდა წარმოადგინონ:
 - ა) განცხადება (თანდართული ფორმით - დანართი 1);

ბ) საქართველოს მოქალაქის პირადობის მოწმობისა (პასპორტის) და დაბადების მოწმობის ასლი (წარედგინება დედანთან ერთად);

გ) ფაკულტეტის მიერ გაცემული ცნობა სტუდენტის აკადემიური მოსწრების შესახებ (ცნობა გაიცემა მხოლოდ სტუდენტის აქტიურ სტატუსში მყოფ პირებზე);

დ) შეღავათის კრიტერიუმის/კატეგორიის განსაზღვრისათვის საჭირო დოკუმენტაცია, რომელიც გათვალისწინებულია „სსიპ - ბათუმის შოთა რუსთაველის სახელმწიფო უნივერსიტეტში სპეციალური სასწავლო სოციალური პროგრამის „სტუდენტთა შეღავათები სწავლის საფასურში“ განხორციელების წესის დამტკიცების თაობაზე“ ბსუ-ს წარმომადგენლობითი საბჭოს 2016 წლის 9 მარტის N4 გადაწყვეტილებით (დამტკიცებული პროგრამის მე-4 მუხლი);

5. ბსუ-ს სპეციალური სასწავლო სოციალური პროგრამის „სტუდენტთა შეღავათები სწავლის საფასურში 2021-2022 სასწავლო წლის შემოდგომის სემესტრში განხორციელების მიზნით, შეიქმნას საკონკურსო კომისია შემდეგი შემადგენლობით:

ა) ლევან ტარიელაძე – სტუდენტთა კარიერული განვითარების, კულტურისა და სპორტის დეპარტამენტის უფროსი (კომისიის თავმჯდომარე);

ბ) ლაშა მიქელაძე – სტუდენტთა კარიერული განვითარების, კულტურისა და სპორტის დეპარტამენტის სტუდენტთა კარიერული განვითარებისა და მხარდაჭერის განყოფილების უფროსი (კომისიის მდივანი);

გ) თამარ ლატარია – სტუდენტთა კარიერული განვითარების, კულტურისა და სპორტის დეპარტამენტის სტუდენტთა კარიერული განვითარებისა და მხარდაჭერის განყოფილების უფროსი (კომისიის წევრი);

დ) რევაზ ოკუჯავა – სტუდენტთა კარიერული განვითარების, კულტურისა და სპორტის დეპარტამენტის, კულტურისა და სპორტის განყოფილების უფროსი (კომისიის წევრი);

ე) ზურაბ ჩავლეიშვილი – იურიდიული დეპარტამენტის მთავარი სპეციალისტი – კომისიის წევრი;

ვ) ირმა დიასამიძე – საფინანსო-ეკონომიური დეპარტამენტის მთავარი სპეციალისტი – კომისიის წევრი (კომისიის წევრი);

ზ) ბაჩანა გოგუაძე - სტუდენტური თვითმმართველობის თავმჯდომარის მ/შ (კომისიის წევრი);

6. კომისიამ იხელმძღვანელოს წინამდებარე ბრძანებითა და „სსიპ - ბათუმის შოთა რუსთაველის სახელმწიფო უნივერსიტეტში სპეციალური სასწავლო სოციალური პროგრამის „სტუდენტთა შეღავათები სწავლის საფასურში“ განხორციელების წესის დამტკიცების თაობაზე“ ბსუ-ს წარმომადგენლობითი საბჭოს 2016 წლის 9 მარტის N4 გადაწყვეტილებით.

7. ამ ბრძანების შესრულებაზე კონტროლი დაევალოს სტუდენტთა კარიერული განვითარების, კულტურისა და სპორტის დეპარტამენტს.

8. ბრძანება საჯარო გამოცხადების მიზნით განთავსდეს უნივერსიტეტის ვებგვერდზე, (ველში „სწავლა“ და „კონკურსები“) და უნივერსიტეტის ადმინისტრაციულ შენობაში თვალსაჩინო ადგილას, ასევე გასაცნობად და სახელმძღვანელოდ დაეგზავნოს ბსუ-ს ფაკულტეტებს, საფინანსო-ეკონომიკურ დეპარტამენტს, სტუდენტთა კარიერული

განვითარების, კულტურისა და სპორტის დეპარტამენტს, სასწავლო პროცესის დეპარტამენტს, საინფორმაციო ტექნოლოგიურ სამსახურს, იურიდიულ დეპარტამენტს და კომისიის წევრებს.

9. ბრძანება ძალაშია ხელმოწერისთანავე.
10. ბრძანება შეიძლება გასაჩივრდეს კანონმდებლობითი დადგენილი წესით, მისი გამოცემიდან ერთი თვის ვადაში ბათუმის საქალაქო სასამართლოში (ქ. ბათუმი, ს. ზუბალაშვილის ქ. N30).

ადმინისტრაციის ხელმძღვანელი



ი. ჩხარტიშვილი

„ბსუ-ს სპეციალური სასწავლო სოციალური პროგრამის
„სტუდენტთა შეღავათები სწავლის საფასურში 2021-2022 სასწავლო წლის
შემოდგომის სემესტრში განხორციელების მიზნით კონკურსის გამოცხადების შესახებ“
ადმინისტრაციის ხელმძღვანელის 2021 წლის 16 ნოემბრის N 01-10/95 ბრძანების
დანართი 1

საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტის
ადმინისტრაციის ხელმძღვანელს, ბატონ ი. ჩხარტიშვილს

(ფაკულტეტი)

(საგანმან.პროგრამა და სწავლების წელი)

(სახელი, გვარი, პირადი ნომერი)

გ ა ნ ც ხ ა დ ე ბ ა

„სსიპ - ბათუმის შოთა რუსთაველის სახელმწიფო უნივერსიტეტში სპეციალური სასწავლო სოციალური პროგრამის „სტუდენტთა შეღავათები სწავლის საფასურში“ განხორციელების წესის დამტკიცების თაობაზე“ ბსუ-ს წარმომადგენლობითი საბჭოს 2016 წლის 9 მარტის №4 გადაწყვეტილების თანახმად განსაზღვრულ, ქვემოთ აღნიშნულ (მოწიშნულ) შემდეგ კატეგორიას:

- ა) სტუდენტი, რომლის ოჯახი რეგისტრირებულია სოციალურად დაუცველი ოჯახების მონაცემთა ერთიან ბაზაში, მისი ოჯახის სარეიტინგო ქულა ტოლია ან ნაკლებია 100 000 ქულაზე და წინა სემესტრის შედეგების მიხედვით, ყველა სასწავლო დისციპლინაში მიღებული შეფასებები, საშუალო არითმეტიკულით ტოლი ან მეტია 71 ქულაზე;
- ბ) სტუდენტი, რომელიც არის შეზღუდული შესაძლებლობის მქონე და წინა სემესტრის შედეგების მიხედვით ყველა სასწავლო დისციპლინაში მიღებული აქვს შეფასებები, ტოლი ან მეტია 51 ქულაზე;
- გ) სტუდენტი, რომელიც არის საქართველოს ტერიტორიული მთლიანობისთვის ბრძოლაში დაღუპულის ან საქართველოს ტერიტორიული მთლიანობისათვის ბრძოლაში უგზო-უკვლოდ დაკარგულად აღიარებულის შვილი და წინა სემესტრის შედეგების მიხედვით ყველა სასწავლო დისციპლინაში მიღებული შეფასებები, საშუალო არითმეტიკულით ტოლი ან მეტია 71 ქულაზე;
- გ).1. სტუდენტი, რომელიც არის საქართველოს ომისა და სამხედრო ძალების ვეტერანის შვილი და წინა სემესტრის შედეგების მიხედვით ყველა სასწავლო დისციპლინაში მიღებული შეფასებები, საშუალო არითმეტიკულით ტოლი ან მეტია 71 ქულაზე;
- დ) სტუდენტი, რომელიც არის ობოლი (დედით ან მამით) და წინა სემესტრის შედეგების მიხედვით ყველა სასწავლო დისციპლინაში მიღებული შეფასებები, საშუალო არითმეტიკულით ტოლი ან მეტია 71 ქულაზე;

- ე) სტუდენტი, რომელიც არის იმულებით გადაადგილებული (დევნილის) სტატუსის მქონე და წინა სემესტრის შედეგების მიხედვით ყველა სასწავლო დისციპლინაში მიღებული შეფასებები, საშუალო არითმეტიკულით ტოლი ან მეტია 71 ქულაზე;
- ვ) სტუდენტი, რომელიც არის მრავალშვილიანი (ოთხი შვილით) ოჯახის წევრი და წინა სემესტრის შედეგების მიხედვით ყველა სასწავლო დისციპლინაში მიღებული შეფასებები, საშუალო არითმეტიკულით ტოლი ან მეტია 71 ქულაზე;
- ზ) სტუდენტი, რომელიც არის მრავალშვილიანი (ხუთი და მეტი შვილით) ოჯახის წევრი და წინა სემესტრის შედეგების მიხედვით ყველა სასწავლო დისციპლინაში მიღებული შეფასებები, საშუალო არითმეტიკულით ტოლი ან მეტია 71 ქულაზე;
- თ) სტუდენტი, რომელიც მიეკუთვნება შესაბამისი კომპეტენციის მქონე სახელმწიფო უწყების მიერ დადგენილი ეკომიგრანტის (სტიქიით დაზარალებული) ოჯახს, რომლის სახლის დაზიანება შეფასებულია პირველი ან მეორე კატეგორიით და წინა სემესტრის შედეგების მიხედვით ყველა სასწავლო დისციპლინაში მიღებული შეფასებები, საშუალო არითმეტიკულით ტოლი ან მეტია 71 ქულაზე;
- ი) სტუდენტი, რომელიც არის მარტოხელა დედა, რაც დასტურდება შესაბამისი კომპეტენციის მქონე სახელმწიფო უწყების მიერ გაცემული დოკუმენტებით და წინა სემესტრის შედეგების მიხედვით ყველა სასწავლო დისციპლინაში მიღებული შეფასებები, საშუალო არითმეტიკულით ტოლი ან მეტია 71 ქულაზე;
- კ) სტუდენტი, რომელიც არის მხოლოდ ერთი მშობლის მზრუნველობის ქვეშ, რაც დასტურდება შესაბამისი კომპეტენციის სახელმწიფო უწყების მიერ გაცემული დოკუმენტებით და წინა სემესტრის შედეგების მიხედვით ყველა სასწავლო დისციპლინაში მიღებული შეფასებები, საშუალო არითმეტიკულით ტოლი ან მეტია 71 ქულაზე;
- ლ) სტუდენტი, რომლის და ან/და მმა ასევე არის ბსუ-ს სტუდენტი და წინა სემესტრის შედეგების მიხედვით ყველა სასწავლო დისციპლინაში მიღებული შეფასებები, საშუალო არითმეტიკულით ტოლი ან მეტია 71 ქულაზე;

განცხადებას თან ერთვის ჩემს მიერ მითითებული შეფასების კატეგორიის დამადასტურებელი შემდეგი დოკუმენტაცია:

1. _____;
2. _____;
3. _____;
4. _____;

გთხოვთ, განიხილოთ ჩემი კანდიდატურა და გამარჯვების შემთხვევაში მომცეთ შესაბამისი კატეგორიის დაფინანსება.

დანართი: — ფურცელი.

განმცხადებლის საკონტაქტო ინფორმაცია:

მისამართი: _____

ტელეფონი: _____ მობილური _____

E:mail _____

_____ (ხელმოწერა)

_____ (თარიღი)